

Communicaziun allas medias digl cumegn da Surses (nr. 08-2019)

Surses: Igl cumegn stò elaborar ena maletg directiv

La radunanza communalà ò approvo ena moziun tgi pretenda dalla suprastanza communalà d'elaborar en maletg directiv pigl cumegn cun integrar la populaziun da moda participativa aint igl process strategic. La cunterproposta dalla suprastanza d'elaborar an atgna cumpetenzza ena strategia da svilup pigl cumegn è neida negada. Pinavant ò igl suveran approvo dus credits.

Cun clera maiortad ò la radunanza communalà approvo la proposta agl senn d'ena moziun tgi era neida declarada scu relevanta chesta premaveira cun l'incumbenza alla suprastanza d'elaborar en maletg directiv cun integrar la populaziun da moda activa aint igl process strategic. La suprastanza ò sottamess alla radunanza communalà ena cunterproposta a chella moziun. Chella cunterproposta vess previa da dar alla suprastanza la cumpetenzza d'elaborar ena strategia da svilup, sainza integraziun directa dalla populaziun. Anstagl da workshops vess la populaziun pudia piglier posiziun tar divers temas cun ageid d'en questunari. Chella cunterproposta dalla suprastanza ò pero catto nigra maiortad.

Ulteriours affars

Las votantas ed igls votants on approvo sainza discussiun igl credit da fr. 315'000.00 per l'equipaziun (ava, ava persa ed electricitad) da Tgalucas anfignen Tga d'Meir sen l'alp Flex. Chellas lavours èn neidas exequeidas an cumbinaziun cun la sanaziun dalla veia sen chel trajet, tgi è neida fatga per incumbenza dalla cumischung da migliuraziun da Sur.

Ultra da chegl ò la radunanza communalà er approvo en credit supplementar brut da fr. 400'000.00 per la reparatura da divers donns caschunos da maloras durant la stad passada. Ve da chels costs pò igl cumegn chintar cun ena contribuziun da radond fr. 150'000.00 digl uffezi da gôt e prieveles dalla nateira digl cantun Grischun.

Tinizong, igls 28 d'otgover 2019

La suprastanza communalà Surses